


Ibuku rĩa Ngai kũrĩ ciana
nĩrĩrakũrehera

Mũsamaria Ũrĩa Mwega



Rwandĩkĩtwo nĩ: Edward Hughes

Rũthathaũrĩtwo nĩ: M. Maillot; Lazarus
Alastair Paterson

Rũharĩrĩirio nĩ: Ruth Klassen; Sarah S.

Rũtaũrĩtwo nĩ: Stephen Kimani

Rũtungĩtwo nĩ: Bible for Children
www.M1914.org

©2023 Bible for Children, Inc.

Rũtha: Nĩwĩtĩkĩrĩtio kuruta kana gucabithia rũgano rũrũ,
angĩkorwo ti rwa kwendia.



"Mũrutani! Nĩkĩ njagĩrĩrwo
gwĩka nĩguo ngĩe na muoyo
wa tene na tene?" Mũndũ
ũcio wooragia kĩũria aarĩ
wakiri, akĩgeria
kũnyiita
Jesũ.



Jesũ agĩcookia,
"Watho wa Ngai ugĩite atĩa?"




Mũndũ ũcio akiuga, "Enda
Ngai na mũndũ wa ituura."
No akĩũria, "Mũndũ wa
itũũra rĩakwa nũũ?"



Gũcookia kĩũria kĩa mũndũ ũcio, Jesũ agĩtaariria
rũgano rwa mũndũ wathiaga kuuma
Jerusalemu agĩthĩĩ
Jeriko. Mũndũ
ũcio agĩtharĩkĩrwo
nĩ aici.



Aici makĩiya kĩrĩa gĩothe mangĩonire,
nginya magĩkua nguo cia mũndũ ũcio. Ona
makĩmũtihangia mũno, makĩmũtiga e hakuhi
gũkua mũkĩrainĩ wa njĩra.



Kwa mūnyaka mwega hakīhītūkīra
mūthīnjīri Ngai. Hatarĩ itherũ
nīagĩateithirie mūndũ ũcio
watihangĩtio.




Aca! Rĩrĩa oonire
mūndũ ũcio akiura
thakame, akīgerera mūkīra ũcio ũngĩ wa bara.



Kahinda kaniini, mūgambo wa makinya ũkĩonania atĩ
harĩ mūndũ wookaga. Aarĩ Mūlawi- mūndũ
wateithagia athĩnjĩri Ngai thĩinĩ wa hekaarũ.
Agĩthĩ akĩrora mūndũ ũcio
wagurarĩtio,

agĩcooka akĩehera
kahora atakũmũteithia.




Mũico Mũsamaria agĩũka. Ayahudi
nĩmathũire Asamaria. Andũ arĩa
maathikagĩrĩria rũgano rwa Jesũ
matingĩeciririe Mũsamaria





no akorwo arĩ
njamba. No aarĩ njamba. Mũsamaria ũcio
akĩrora mũndũ ũcio, akĩrũgama, akĩmũteithia.



Mūsamaria agĩturia
ndu, agĩĩkĩra ndawa na
akĩmuoha ironda.
Agĩcooka akĩigĩrĩra
mũndũ ũcio wagurarĩte
igũrũ rĩa ndigiri yaaake.





Mũkaawainĩ wa njĩrainĩ, Mũsamaria
akĩrora mũndũ ũcio ũtukũ mũgima.



Rūciinĩ akĩrĩha mwene Mũkaawa nĩguo
arore mũndũ ũcio waarĩ thabaarĩinĩ
nginya ahone.



Rũgano rũgĩthira. Jesũ akĩũria, "Nũũ
waarĩ mũndũ wa itũũra kũrĩ mũndũ ũcio
wagurarĩtio?"






Wakiri agĩcookia,
"Mũndũ wa itũũra
aarĩ Mūsamaria ũrĩa
woonanirie tha."



Jesũ akiuga, "Thiĩ wĩike ũguo." Mũndũ wa itũũra
nĩ mũndũ o wotho ũrĩa ũngĩkorwo arĩ na thiĩna.

Notuonanie wendo na
njĩra ya gũteithia
andũ arĩa marĩ na
thiĩna. Ũndũ ũcio
nĩũkenagia Ngai.



Mũsamaria ũrĩa Mwega

Rũgano kuma Kiugoinĩ kĩa Ngai,
kĩrĩa kĩ Ibukuinĩ rĩa Ngai,

rũrĩ thĩinĩ wa

Luka 10


"Ciugo Ciaku ciatarĩrio nĩrehaga ũtheri."
Thaburi 119:130



Mũico



46



60



Rũgano rŭrũ, rŭrĩa rumĩte Ibukuinĩ rĩa Ngai,
rŭratũmenyithia igŭrũ rĩa Ngai witũ wa magegania,
arĩwe ũrĩa watũmbire na ningĩ akenda ũmũmenye.

Ngai nĩoĩ atĩ nĩtwĩkĩte maũndũ moru, marĩa etaga mehia.
Mũcara wa mehia nĩ gĩkuũ, no Ngai nĩakwendete mũno makĩria
nginya agĩtũma Mŭrũ wake wa mũmwe, Jesũ, nĩguo oragwo
mũtharabainĩ na aherithio nĩtondũ wa mehia maku. Nĩacokire
akĩriũka na akĩinũka mũciĩ igŭrũ kwa Ngai! Ũngĩtĩkia Jesũ na ũmũrie
akuohere mehia maku, nĩegwĩka ũguo! Nĩegũka na atũre thĩinĩ
waku kuma rĩu, na ningĩ ũgatũrania nake tene na tene.

Ũngĩtĩkia atĩ ũhoru ũyũ nĩ wa ma, ĩra Ngai ũũ:
Mwendwa Jesũ, nĩndetĩkia atĩ wĩ Ngai, na nĩwatuĩkire
mũndũ nĩguo ũkue nĩtondũ wa mehia makwa, na rĩu wĩ muoyo.
Nĩndakũhoya ũũke mũtũrĩreinĩ wakwa na ũnjohere mehia makwa,
nĩguo kuma rĩu, ngĩe na muoyo mwerũ, na mũthenya ũmwe ngoka
ndũranie nawe tene na tene. Ndeithia gũgwathĩkagĩra na
gũgũtũrĩra ta mwana waku. Nĩgũtuĩke ũguo.

Thoma Ibuku rĩa Ngai na waranagĩrie nake o
mũthenya o mũthenya! Johana 3:16

